

100.000 EUSKALDUN NAFARROAN. IKAk euskal mundura hurbildu nahi ditu euskaraz ez dakiten gainerako guztiak

Asier Azpilikueta | IRUÑEA

Helduen euskalduntze eta alfabetatzerako IKA koordinakundeak kanpaina berria abiatu du erdaldun elebakarrei jakinarazteko Nafarroan euskaldunak badirela, eta, gainera, dagoeneko ehun mila bat direla.

Ya somos 100.000 navarros/as (*Ehun mila nafar bagara*) kanpainako koordinatzaile Sagrario Aleman eta Joxe Ramon Olanok atzo Iruñean esplikatu zutenez, erdaldunei zuzenduriko kanpaina egitea «ezinbestekotzat» jo dute, «erdaldun elebakarrek jasotzen duten mezu ia-ia bakarra euskararen desprestigiorako delako». «Euskaldunok bidaltzen dugun mezua ez da horiengana iristen», erran zuen Alemanek. «Eta euskararen desprestigiorako mezua nagusitzen ari da. Hortaz, kanpaina hau zuzendu behar diogu mezu bakarra entzuten duen horri».

IKAkoek ere ikusi dute gizartean, erdaldun elebakar horien artean, «halako erlaxazio bat dagoela», «nafar guztion hizkuntz eskubideen aldeko borroka alde batera utzia dutela», eta «horren ondorioz, neurri batean, gertatu dela helduen euskalduntze eta alfabetatzean beherakada».

100.000 euskaldun

Sagrario Alemanen hitzetan, kanpaina abiatzeko hirugarren arrazoiak litzateke ikusi dutela «batzuek, euskaraz ez dakitenek, ez dutela ezagutzen Nafarroako egoera soziolinguistikoa». «Zenbaitzuek ez dakite

Nafarroan euskaldunak badirela jakinaraziko dute

Erdaldun elebakarrei zuzenduriko kanpaina abiatu berri du IKAk

LANDER FERNANDEZ ARROIABE / ARGAZKI PRESS

Sagrario Aleman eta Joxe Ramon Olano IKAre kanpainiako koordinatzaileak.

Nafarroan euskaldunik badenik ere», gaineratu zuen Alemanek. «Hori jakinarazi nahi diegu: Nafarroan 100.000 bat euskaldun bagarela».

Kopuru borobil hori 1996ko

inkesta soziolinguistikoa oinarri hartuta lortu dute IKAkoek. Datu berriagorik ez dago, Nafarroako Gobernuak iaz egin beharreko inkesta egin ez zuelako. Ehun mila horretan maila ez-

berdinetako euskaldunak sartzen dira. Sagrario Alemanendako, «100.000 lagun izanik, oso larria da oraindik jendeak galdetzea ea euskaldunik ote dagoen Nafarroan».

Arestian esan bezala, kanpaina erdaldun hutsei zuzendua da, eta, horregatik, erdaraz egin dute. Lehen fase batean, erdaldunen jakin-mina piztu nahi izan dute kanpainaren leloa soilik erabiliz (*100.000 nafar bagara*). Heldu den astean, bigarren fase batean, erdaldunei esplikatu dute ehun mila horiek euskal hiztunak direla.

Itsu eta gor euskararen aurrean

Mezu hori zabaltzeko, komertzioetan kartelak paratuko dituzte, zinemetan iragarkiak pantailaratuko eta egunkarietan enkarateak sartuko. Eta dena, bistan da, gaztelaniaz.

Are gehiago, «euskararen desprestigio hori» gehien lagundu duen egunkarian ere, Nafarroan gehien saltzen den horretan, enkaratea sartuko dute. «Euskararen aurrean jende asko itsu eta gor bihurtzen da», azaldu zuen Alemanek. «Eta guk horiek konbentzitu nahi ditugu. Eta hori egin behar dugu beraiek erabiltzen duten komunikabide horretan, Nafarroako etxe gehienetan dagoen horretan».

«Euskaraz ez dakitenak euskararen mundura hurbildu nahi ditugu, eta ezagutarazi nahi diegu zein den Nafarroaren errealitate soziolinguistikoa», adierazi zuen Alemanek. «Eta euskaldunok bizi dugun egoeraz konturatu nahi ditugu, egoera hori aldatzeko bidean jarri nahi ditugu. Eta horretarako modurik egokiena euskara ahalik eta toki eta une gehienetan erabiltzea da. Horrela ohartuko dira euskaldunok bagarela».

AEKtxotx festa giroan egin zen atzo Hernanin



GARI GARIALDE / ARGAZKI PRESS

Festa giroa nagusitu zen atzo Hernanin (Gipuzkoa), Alfabetatze Euskalduntze Koordinakundeak (AEK) antolatutako AEKtxotx jaian. Egun osoko jaiak izan zen atzokoa. Goizetik hasita, artisauen erakusketa eta samentak izan zen, Gudariaren plazan. Jai giroa, ordea, arratsalde-gau partean nagusitu zen. Arratsalde erdian —argazkian ikus daitekeen bezala— bakailao lehiaketa egin zen. AEKtxotx egunaren baitan tradizio bilakatu den lehiaketan maila handiko platerak prestatu zituzten. Benetako festa, egunari dagokion moduan, sagardotegian egin zen. 20:30ean abiatu ziren guztiak Hernanitik inguruko sagardotegietara afaltzerara. Pentsatzekoa da afalosteko jaiak ere luze joko zuela, Laiotz eta DJekin; betiko moduan, batzuentzat besteentzat baino luzeago izan zen gaua.